



Broj: 04-40-1-11/20
Sarajevo, 12.01.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 11.01.2020. do 07:00 sati 12.01.2020. godine

Na jučerašnjoj telefonskoj sjednici, **Vlada Kantona Sarajevo je donijela Odluku kojom se proglašava epizoda "Uzbune"**.

Pokazatelji mjerenja zagađujućih tvari u zraku na području Kantona Sarajevo 10.01.2020.godine su zabilježili prekoračenje praga uzbune PM10 čestične tvari u zraku (**300 $\mu\text{g}/\text{m}^3$**) na automatskim stanicama Otoka (**316 $\mu\text{g}/\text{m}^3$**) i Ilijaš (**332 $\mu\text{g}/\text{m}^3$**). Također, visoke koncentracije PM10 čestica su zabilježene i jučer. Na automatskoj stanici Vijećnica prosječne dnevne vrijednosti za ovaj polutant izmjerene do 8 sati su iznosile **286 $\mu\text{g}/\text{m}^3$** , na Otoci **422 $\mu\text{g}/\text{m}^3$** , Ilidži **425 $\mu\text{g}/\text{m}^3$** i Ilijašu **557 $\mu\text{g}/\text{m}^3$** .

Prema vremenskoj prognozi Federalnog hidrometeorološkog zavoda, u narednih 48 sati očekuje stabilna vremenska situacija, bez vjetrova i padavina uz pojavu temperaturne inverzije.



Mjere koje se preduzimaju u okviru epizode "**Uzbuna**" su slijedeće:

- U zoni A: "Zabrana kretanja automobila čiji dizel motori imaju normu EURO3 i manju, uz pojačane kontrole inspeksijskih organa uz asistenciju organa MUP-a, te zabrana kretanja teretnih vozila čiji motori imaju normu manju od EURO3 u skladu sa članom 95. Zakona o uređenju saobraćaja na području Kantona Sarajevo (Sl. novine KS, 30/17).

Ovo se ne odnosi na vozila policije, inspekcije, ministarstva odbrane, javnog gradskog prevoza, javnih komunalnih preduzeća, vozila pravnih lica koja za potrebe komunalnih preduzeća izvode radove na hitnim intervencijama, vozila sa diplomatskim tablicama, vozila invalidnih lica, taxi vozila i vozila hitnih intervencija (civilne zaštite, hitne pomoći, vatrogasaca). Napomena: izuzeće za taksi vozila vrijedi godinu dana od dana donošenja Plana.

- Organizacija nastave u školama sa ciljem izbjegavanja gužve u javnom gradskom prevozu, a po potrebi obustava nastave.

- Zabrana korištenja čvrstih goriva i teških ulja svim pravnim i fizičkim licima koji ista koriste u tehnološkom procesu

Na snazi ostaju i mjere iz epizoda „Upozorenje“ i „Pripravnost“ u svim zonama Kantona Sarajevo.

Također se upozorava stanovništvo Kantona da svojim ponašanjem i aktivnostima dodatno ne doprinosi zagađenju zraka.

Više informacija o mjerama samozaštite zdravlja građani mogu naći u prilogu: "Zdravstvene preporuke rizičnim grupama stanovništva kod povećanih koncentracija zagađujućih materija u zraku u Kantonu Sarajevo" na web stranici Zavoda - <http://www.zzjzks.ba>.

Izmjerene vrijednosti praćenih polutanata, najnovija obavještenja vezana za kvalitet zraka, te Lista pravnih i fizičkih lica na koja se odnosi Plan, mogu se pratiti na stranici Vlade Kantona Sarajevo stranici <http://vlada.ks.gov.ba/>.

Stručno tijelo će nastaviti kontinuirano pratiti vrijednosti zagađujućih materija u zraku, te zajedno sa Vladom Kantona Sarajevo obavještavati građane o svim eventualnim promjenama.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo imali su jednu veću i četiri manje intervencije.

Veća intervencija je bila prethodne noći u 00:58 sati u ulici Džemala Bijedića (Heco pijaca), gdje je gorio poslovni prostor. Požar je gasilo 6 vatrogasaca sa dva vatrogasna vozila. Požar je likvidiran u 02:10 sati. Povrijeđenih lica nije bilo.

Manje intervencije su bile na gašenju dimnjaka na privatnim kućama (2 intervencije), manjeg požara nakon eksploziranja (1) i manjeg požara u jednoj prostoriji kuće u ulici Livanjska bb (učestovalo 5 vatrogasaca sa jednim vatrogasnim vozilom).



Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu je iznosila -2⁰C, relativna vlažnost zraka 92 % a barometarski pritisak 953 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
DEŽURNI OPERATIVAC

Mirsad Biberović

Dostavljeno:

- Direktor KUCZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1